


**Акафист святым благоверным
князю Петру и княгине Февронии,
Муромским чудотворцам**



Тропарь благоверным князьям Петру, во иноцех Давиду,
и Февронии, во инокинях Евфросинии,
Муромским чудотворцам

глас 8

Яко благочестиваго корене пречестная отрасль был еси, / добре во
благочестии пожив, блаженне Пётре, / тако и с супружницею твоёю
премудрою Феврониею, / в мире Богу угодивше, и преподобных житию
сподобистесь. / С нимиже молитесь Господеви, / сохранити без вреда
отечество ваше, // да вас непрестанно почитаем.

Кондак благоверным князьям Петру, во иноцех Давиду, и Февронии, во
инокинях Евфросинии, Муромским чудотворцам

Кондакь

глас 8

Мира сего княжение и славу временну помышляя, / сего ради благочестно в
мире пожил еси, Пётре, / купно и с супружницею твоёю премудрою
Феврониею, / милостиною и молитвами Богу угодивше. / Темже и по смерти
неразлучно во гробе лежаще, / исцеление невидимо подаваете, / и ныне
Христу молитесь // сохранити град же и люди, иже вас славящих.

Конда́к 1.

Избра́ннии чудотво́рцы и вели́цыи угóдницы Господни, гра́да Му́рома заступни́цы и прѣснии о душа́х на́ших моли́твенницы, святѣи благове́рнии кня́же Пётре и княги́не Февро́ние! Пѣние похва́льное ва́м принося́ще, мо́лим вѣ́ усердно: я́ко иму́щии дерзнове́ние ко Го́споду, предста́тельством ва́шим от вся́ких бѣд на́с свободи́те, и наслѣдники Ца́рствия Небе́снаго на́с соде́лайте, да зове́м ва́м ра́достно:

Ра́дуйтесь, святѣи и пресла́внии чудотво́рцы Пётре и Февро́ние.

И́кос 1.

А́нгели земни́и и челове́цы небе́снии вои́стинну яви́стеся, блаже́ннии Пётре и Февро́ние, от ю́ности ва́шея чи́стую со́весть иму́щии к Бо́гу, и до́бре во благоче́стии и чистоте́ вку́пе пожившии, на́м же оста́вльшии в приме́р подража́ния жити́е ва́ше богоуго́дное, е́муже чуда́щеся и чудесы́ ва́шими озаря́еми, зове́м ва́м гла́сы хвале́бными си́це:

Ра́дуйтесь, от ю́ности ва́шея Христа́ возлюбѣ́вшии и Тому́ от души́ порабо́тавшии; ра́дуйтесь, целому́дрия хранѣ́тели и душе́вныя и телѣсныя чистоты́ рачѣ́тели.

Ра́дуйтесь, ду́ши ва́ша и телеса́ на землі́ в обита́лице Ду́ха Свята́го угото́вившии; ра́дуйтесь, исполненнии прему́дрости и ра́зума божѣ́ственнаго.

Ра́дуйтесь, я́ко во плóти, я́ко безплóтны, вку́пе поживѣ́те; ра́дуйтесь, я́ко равноа́нгельную че́сть досто́йно прия́сте.

Ра́дуйтесь, я́ко от землі́ на Не́бо преидо́сте и та́мо со А́нгелы Трои́це предсто́йте; ра́дуйтесь, я́ко со безплóтными ли́ки трисвяту́ю пѣснь Ё́й воспѣва́ете.

Ра́дуйтесь, на Небеси́ и на землі́ от Го́спода просла́вленнии; ра́дуйтесь, обрѣ́тшии вѣ́чное всесвѣ́тлое ме́сто упоко́ения.

Ра́дуйтесь, гра́да Му́рома сокрови́ща пребога́тая; ра́дуйтесь, исто́чницы неисто́щиии чудес.

Ра́дуйтесь, святѣи и пресла́внии чудотво́рцы Пётре и Февро́ние.

Конда́к 2.

Ви́дев кня́зь Пётр в возвратной болѣ́зни своѣ́й, зна́мение гнѣ́ва Бо́жия, за неисполне́ние обе́та свое́го, по́йти в супру́ги себѣ прему́друю Февро́нию,

потщ́ася сие́ испóлнити и сочет́ася с не́ю бра́ком зако́нным. Оба́че и в супру́жестве целому́дренно и богоуго́дно пожи́сте, блаже́ннии, иму́ще еди́ну мы́сль во двою́ телу, е́же благоугожда́ти Бо́гу; те́мже вѣ́ну поете́ Ему́ ны́не со А́нгелы пе́снь: Аллилу́иа.

И́кос 2.

Ра́зумом богопросвеще́нным свѣ́ше ода́рѣннии, Пѣ́тре и Февро́ние святи́и, любóвь и милосе́рдие к бе́дным и си́рым яви́сте, оби́димым и безпомóщным засту́пницы бы́сте, и инѣ́ми добродѣ́телями мно́гими украси́сте княже́ние свое́ земно́е. Сего́ ра́ди вопие́м к ва́м си́це:

Ра́дуйте́ся, блаже́ннии и треблаже́ннии, в боголю́бии поживши́и и благове́рие сохрани́шии; ра́дуйте́ся, ми́лости и сострада́ния преиспо́лненнии.

Ра́дуйте́ся, безпомóщных ско́рии помóщницы; ра́дуйте́ся, печа́льных блази́и утѣшители.

Ра́дуйте́ся, сирóт и вдови́ц корми́тели; ра́дуйте́ся, су́щих в беда́х предста́тели.

Ра́дуйте́ся, боле́зней душе́вных и телесных иску́снии цели́тели; ра́дуйте́ся, ско́рных серде́ц радостотво́рнии посети́тели.

Ра́дуйте́ся, любóвь ва́шу к Бо́гу, любóвию к бли́жним свои́м показавши́и; ра́дуйте́ся, княже́ние ва́ше земно́е пра́ведно и богоуго́дно содержавши́и.

Ра́дуйте́ся, князе́й правосла́вных похвало́ и гра́да Му́рома утвержде́ние; ра́дуйте́ся, всея́ земли́ Росси́йския заступле́ние.

Ра́дуйте́ся, святи́и и пресла́внии чудотво́рцы Пѣ́тре и Февро́ние.

Конда́к 3.

Си́лою благода́ти Бо́жия укрепля́емь, блаже́нне кня́же Пѣ́тре, восхотѣ́л еси́ па́че оста́вити гра́д оте́чества твоего́ и княже́ние Му́ромское, не́же бракоразвесты́ся с прему́дрою Февро́ниею по настоя́нию го́рдых боля́р твои́х. Сего́ ра́ди Бо́г тя просла́ви и сотвори́, да те́миже боля́ры возвраще́нный вку́пе с супру́жницею твоею́, на престо́ле княже́ния Му́ромскаго па́ки утверди́лся еси́, на́м же приме́р хране́ния зако́на Бо́жия показу́еши по́двигом твои́м, да подража́юще тебе́ в свя́тости хране́ния соу́за бра́чнаго, воспева́ем подвигополо́жнику Христу́: Аллилу́иа.

Їкос 3.

Имўще попечєние о людех своїх, преблаженнии Пётре и Февроние, неусыпно подвижастеся ко благу их, благочєстие насаждая, нечєстие искореняя и вражду умиротворяя. Тємже и Господь, видя таковыя подвиги ваша, зємлю Муромскую плодоносием благословїи и мир глубок княженію вашему дарова, подвижая люди ваша благодарственно воспевати вам сїце:

Радуйтеся, угодницы Божии, житию великих святых сопричастницы;
радуйтеся, правителие предобрии, люди муромския ко спасению
путеводившии.

Радуйтеся, христианскаго благочєстия блюстители; радуйтеся, нестроения,
раздоров и всякаго нечєстия искоренители.

Радуйтеся, супругов христиан ко благочєстному житию наставницы;
радуйтеся, целомудрия и воздержания супружескаго образи преизящнии.

Радуйтеся, праведнаго суда рачители; радуйтеся, немздоимства и
безкорыстия ревнители.

Радуйтеся, святых царей Константина и Елены добродетелей стяжатели;
радуйтеся, равноапостольнаго князя Владимира и блаженныя княгини
Ольги достойнии преемницы.

Радуйтеся, двоице пречестная и благое сочетание, лучами чудес
немерцаемо сияющими; радуйтеся, отечества вашего пресветлии
светильницы.

Радуйтеся, святїи и преславнии чудотворцы Пётре и Февроние.

Кондак 4.

Буря скорбей и напастей, воздвигаемая злобою мира сего, не ослаби
крепкия любве вашей яже к Богу, Пётре и Февроние блаженнии, но паче
научїи вас благоискусно отражати разжженные стрелы искушений
диавольских: вы бо облокшесь в броню веры Христовы, в мире глубоче
преидосте многомятежную пучину житейскаго моря, и достигосте в тихую
пристань спасения, к нейже и нас молитвами вашими приведите, да вкупе с
вами поём Богу: Аллилуїа.

Ўкос 4.

Слышавше блížнии и дáльнии благочестное житиé вáше, благовэрнии Пётре и Февроне, прославляху человеколюбца Бóга, даровавшего вам крѣпость на вся делá благáя, ѳмиже яко лучáми пресвѣтлыми, просиясте в отѣчестве вáшем, идѣже и донѳне именá вáша чѣстны, и пóдвиги вáша воспеваются похвалами сѳми:

Рáдуйтеся, двóице пресвѣтлая, Бóгом совокуплѣнная; рáдуйтеся, свѣтом благочестнаго житиá вáшего, яко светѳла богосвѣтлая, просиявшии.

Рáдуйтеся, мѳлостынею и молѳтвами Небѣсное Цáрствие стяжавшии; рáдуйтеся, смиренѳем и пощѣнием вѣчное блаженство улучѳвшии.

Рáдуйтеся, яко мзда вáша мнóга на Небесѣх ѣсть; рáдуйтеся, яко рáдость вáша вѣчна во свѣтлостех святыѣх.

Рáдуйтеся, рабѳ Христóвы возлюбленнии; рáдуйтеся, святыѣх всѣх прѳснии дрѳзи.

Рáдуйтеся, звезды непрелѣстнии, пѳть супружескаго житиá богоугóднаго вѣрно указѳующии; рáдуйтеся, óблацы росонóснии, знóй страстѣй и нечѣстия прогоняющии.

Рáдуйтеся, Бóжиих мѳлостей и щедрóт нáм подáтели; рáдуйтеся, отѣчества вáшего украшѣние неотѣмлемое. Рáдуйтеся, святыи и преслáвнии чудотворцы Пётре и Февроне.

Кондáк 5.

Богосвѣщеннии светѳльницы благочѣстия и предѳвнии чудотворцы Пётре и Февроне, Бóга от всея душѳ возлюбѳвше, вся заповѣди Егó сохранисте; тѣмже и Христóс, яко сóлнце и лунѳ пресвѣтлая, показá вас, преблаженнии, чудѣс мнóгих зарѣю озаряющия óбласть Мѳромскую и всю страну Россѳйскую, прослáвив нетлѣнием святыá и многоцелѣбныя мóщи вáша, к нѳмже припадающе, по достоянѳю ублажаѣм вас и вѳну благодарственно поѣм дѳвному во святыѣх Своѳх Бóгу: Аллилуѳа.

Ўкос 5.

Вѳдевше житиé вáше правѣдное и щедрóты вáша, людѳе мѳромстии слáвляху вас, своѳх правѳтелей мѳлостивых, благовэрнии Пётре и Февроне, вѳ же смиренѳе ѳстинное возлюбѳвше и похвалы челóвѣческия

небрѣгше, гордынею неужъзвлени пребѣсте, и тѣм показáсте нáм образъ вѣшшаго смиренiя, емуже поучáся, с любовью вопиѣм вамъ таковыя:

Рáдуйтеся, слáву человѣчу ни во что же вменѣвшии; рáдуйтеся, смиренiе Христóво усърдно возлюбѣвшии.

Рáдуйтеся, заповедей Господнихъ вѣрнии исполнители; рáдуйтеся, учения Евангельскаго истиннии послѣдователи.

Рáдуйтеся, рабѣ Бóга Вѣшняго, волю Его сотвориши; рáдуйтеся, веру Христóву до конца соблюдиши.

Рáдуйтеся, христоименитымъ людемъ благочестiя учителя; рáдуйтеся, хотящихъ богоугодно жити богомудрии наставницы.

Рáдуйтеся, молитвами вашими спасающии насъ отъ всякихъ бѣдъ; рáдуйтеся, вся блага́я прошения наша исполняющии.

Рáдуйтеся, в недѣзехъ страждущихъ благодатнии врачеве; рáдуйтеся, милостивии страны Муро́мския покровителие.

Рáдуйтеся, святѣи и преславнии чудотворцы Пётре и Февроніе.

Конда́к 6.

Проповѣдницы веры правосла́вныя и ревнители благочестiя не словомъ то́кмо, но всемъ житіемъ своимъ бѣсте во граде Муроме, прехвальнии Пётре и Февроніе; тѣмже и святáя Цѣрковь досто́йне почита́етъ подвиги и труды́ ваша, имиже трудитесь во слáву Бóга Вѣшняго, немóлчно воспева́я Ему́: Аллилу́иа.

И́кос 6.

Воссия́сте во граде Муроме свѣтомъ добродѣтельнаго житiя́ вашего, яко звезды богосвѣтлыя, преблаженнии Пётре и Февроніе, и пáмять ва́ша в немъ с похвала́ми до днѣсь, яко и по смѣрти своѣй не преста́ете озаря́ти насъ, мно́гая чудеса́ соверша́юще, и тѣми свѣтлую зарю́ безсмѣртiя нáм отъ мощейъ ва́шихъ возсиява́юще, да ублажа́емъ васъ благохвалѣнiями сицевы́ми:

Рáдуйтеся, чина и уставовъ святы́я Цѣркве вѣрнии хранители; рáдуйтеся, служителейъ олтаря́ Господня́ благоговѣйнии почитатели.

Рáдуйтеся, благихъ обычаевъ и преданій святоотеческихъ ревнители; рáдуйтеся, обычаевъ злыхъ и суемудрийъ языческихъ искоренители.

Ра́дуйтеся, суды́ нелицеприятны лю́дем ва́шим творившии; ра́дуйтеся, суды́ ва́ша с ми́лостию соединившии.

Ра́дуйтеся, крѳтцыи и незлѳбивии послѳдователи Христо́вы; ра́дуйтеся, злѳбу добром препобеждавшии.

Ра́дуйтеся, нетлѳния благоухающии цвѳти; ра́дуйтеся, безсмѳртия немерцающии лучи́.

Ра́дуйтеся, на землѳ вели́чием чудѳс блистающии; ра́дуйтеся, на Небесѳ со А́нгелы Бо́га сла́влящи.

Ра́дуйтеся, святѳи и пресла́внии чудотворцы Пѳтре и Февро́ние.

Конда́к 7.

Хотя́й человеколю́бец Госпо́дь явити в жити́й ва́шем, Пѳтре и Февро́ние, ѳбраз назидания не то́кмо лю́дем мирским, но и ликом ѳноческим, внуши́ вам в ста́рости маститей оста́вити сла́ву княже́ния земна́го, и восприя́ти ѳбраз ѳноческий, в немже подви́заетея до́бре постѳм, бде́нием и молѳтвою, воспева́юще непреста́нно Трѳеди́ному Бо́гу а́нгельскую пе́снь: Аллилу́иа.

Ўкос 7.

Но́вую благода́ть Бо́жию во ѳночестем постриже́нии приѳемше, преподо́бнии, но́выми по́двигами украсѳте равноа́нгельное жити́е ва́ше и та́ко сугу́б плѳд соверше́нства духо́внаго Христу́ принесѳте, и мзду́ преподо́бных досто́йне от Него́ восприя́те. Поминая́ у́бо такову́ю ре́вность ва́шу к подви́гом духо́вным, прославля́ем вас си́ми досто́дными похвала́ми:

Ра́дуйтеся, я́ко любве́ ра́ди Го́спода, ми́ра сегѳ княже́ние и сла́ву оста́viste; ра́дуйтеся, я́ко ѳноческое равноа́нгельное жити́е усѳрдно восприя́те.

Ра́дуйтеся, соверше́ннаго терпѳния подви́жницы; ра́дуйтеся, во́льныя нищеты́ блаже́ннии стяжа́тели.

Ра́дуйтеся, пре́жде кончи́ны ва́шей вся́ стра́сти умертвившии воздержанием; ра́дуйтеся, восприя́вшии святу́ю схѳму в броню́ спасѳния.

Ра́дуйтеся, багряни́цу кня́жескую на влася́ницу ѳноческую пременя́вшии; ра́дуйтеся, постѳм, бде́нием и непреста́нными молѳтвами Бо́гу до́бре угоди́вшии.

Ра́дуйтеся, боголюбэзнаго уединэния взыскатели; ра́дуйтеся, спасительнаго безмолвия любители.

Ра́дуйтеся, слезами моли́твенными ороше́ннии; ра́дуйтеся, в сонме преподо́бных на Небеси́ просла́влении.

Ра́дуйтеся, святи́и и пресла́внии чудотво́рцы Пётре и Февро́ние.

Конда́к 8.

Стра́нное и дивное бе́ чу́до, егда́ ты́, блаже́нне Пётре, на кончи́не живота́ твоего́, проше́ния ра́ди супру́жницы твоея́, свята́я Февро́нии, исхо́дом сво́им умедлил еси́, до́ндеже сконча́ она́ пелену́ церкóвную, ёю сшива́ему и вкúпе с тобо́ю к исхо́ду сме́ртному приспе́, и та́ко неразлу́чнии в жити́и, неразлу́чнии и в кончи́не яви́стеся, и во еди́н де́нь и ча́с свята́я ду́ши сво́я в ру́це Бо́жии преда́сте, зову́ще при́сно живы́ми и ме́ртвыми облада́ющему Влады́це Бо́гу: Аллилу́иа.

И́кос 8.

Вси́ чудя́хуся и сла́вляху дивнаго во свята́х Свои́х Бо́га, егда́ свята́я ва́ша телеса́, в ра́зных гробёх положённая, чудесно обрето́шася лежа́ща в о́бщей гробни́це, ю́же угото́васте себе́, преподо́бнии, в собо́рней це́ркви гра́да Му́рома, иде́же и доны́не неразлу́чно почива́ете, чудотво́рцы святи́и, неоску́дная источа́юще исцелёния все́м, с ве́рою прибега́ющим к ва́м и зову́щим:

Ра́дуйтеся, сою́з любве́ ва́шей до грóба и за грóбом ве́рно сохрани́ши; ра́дуйтеся, не то́кмо в жи́зни, но и по сме́рти, о Го́споде соединёнии.

Ра́дуйтеся, в супру́жестем благоче́стнем жити́и ва́м подража́ющим крѣпцыи помо́щницы; ра́дуйтеся, теплото́ю любве́ ва́шей и на́с согрева́ющими.

Ра́дуйтеся, сме́ртию вре́менною прешедшии к жи́зни ве́чней; ра́дуйтеся, от Го́спода нетлени́ем и чудесы́ просла́влении.

Ра́дуйтеся, я́ко па́мять ва́ша с похва́лами и успе́ние со свята́ыми; ра́дуйтеся, я́ко именá ва́ша че́стна су́ть и благослове́нна в оте́честве ва́шем.

Ра́дуйтеся, Росси́йския страны́ удобре́ние благодáтное; ра́дуйтеся, гра́да Му́рома огражде́ние несокруши́мое.

Ра́дуйтеся, о любя́щих и чту́щих ва́с небесни́и предста́тели; ра́дуйтеся, приснопрося́щи на́м у Го́спода да́ры бла́гости Его́.

Ра́дуйтеся, святи́и и пресла́внии чудотво́рцы Пётре и Февро́ние.

Конда́к 9.

Всі́ А́нгели и святы́х лі́ки ра́довахуся ра́достию ве́лию, егда́ святы́я ду́ши ва́ша достиго́ша ве́чнаго в оби́телях ра́йских селе́ния, и Са́м Творе́ц А́нгелов и Святе́йший святы́х Ца́рь Сла́вы Хри́сто́с, безсме́ртия венцы́ увенча́ вас и дарова́ вам благода́ть моли́тися Ему́ со дерзнове́нием мно́гим о все́х и́щущих ва́шего заступле́ния, егóже не лиші́те и на́с грешных, Пётре и Февро́ние достохва́льнии, смиренномудренно воспева́ющих просла́вльшему вас Бо́гу хвале́бную пе́снь: Аллилу́иа.

И́кос 9.

Ветійство челове́ческое не довлéет к досто́йному просла́влению жития́ ва́шего, святіи чудотво́рцы Пётре и Февро́ние; кто́ бо испове́сть вся́ молéния и поще́ния, болéзнь и труды́ ва́ша? кто́ изочтёт вся́ слéзы и воздыха́ния ва́ша я́же к Бо́гу? Обáче мы́ любóвию к вам подвизáем, дерзáем воспева́ти вам сия́ ма́лыя и нехитростныя похвалы́:

Ра́дуйтесь, благода́ти Свята́го Ду́ха избра́ннии сосуди́; ра́дуйтесь, ра́дости на́м ве́чныя благоприя́тнии ходатаи́.

Ра́дуйтесь, богобо́язненных супру́гов в благоче́стии утвержде́ние; ра́дуйтесь, наруші́телей супру́жескаго целомудрия́ и согла́сия грóзное обличе́ние.

Ра́дуйтесь, гне́в Бо́жий, пра́ведно дві́жимый на на́с, моли́твами ва́шими утоля́ющими; ра́дуйтесь, о міре все́го міра непреста́нно Го́спода умоля́ющими.

Ра́дуйтесь, на враги́ ви́димыя и неви́димыя крѣпцыи на́м спобо́рницы; ра́дуйтесь, ангелонра́внии челове́цы.

Ра́дуйтесь, преподо́бных и пра́ведных сонасле́дницы; ра́дуйтесь, Пресвяты́я Трѳи́цы ве́рнии угѳдницы.

Ра́дуйтесь, блаже́ннии обита́тели го́рняго гра́да Иерусали́ма Небе́снаго; ра́дуйтесь, со святы́ми торжеству́ющими в ски́нях ра́йских.

Ра́дуйтесь, святіи и пресла́внии чудотво́рцы Пётре и Февро́ние.

Конда́к 10.

Спасе́ние ве́чное унасле́довавше богоблаже́ннии Пётре и Февро́ние, душа́ми ва́шими в оби́телях го́рних неразлу́чно в Бо́зе пребывáете, святы́ми же

мощами вашими в храме Божием нетленно вкупе почиваете, и обильная исцеления источаете, да чудесы вашими благодатно озаряеми, хвалёбно взываем Верховному Творцу чудес Богу: Аллилуиа.

Икос 10.

Стену заступления, благоприятныя молитвы ваша к Богу, обрётше, святѣи чудотворцы Пётре и Февроние, благодарение Отцу Небесному усердно возсылаем за вся благодеяния Его, вами всем нам обильно являемая, вам же, представителем нашим, сицевое приносим пение:

Радуйтесь, всесвѣтлаго Царствия Христова наследницы; радуйтесь, ангельских ликѡв собесѣдницы.

Радуйтесь, Бога во славе непреступней созерцающе; радуйтесь, Трисианнаго Божества тайницы.

Радуйтесь, со святыми на Небесѣ вѣчно царствующи; радуйтесь, от горних высѡт к земнородным милостивно приникающе.

Радуйтесь, крѣни благоуханныи небеснаго прозябения; радуйтесь, кипариси чудоточнии рая Иисусова.

Радуйтесь, податели незавѣстнии безмѣднаго врачевания; радуйтесь, совершители достохвальнии многих чудес.

Радуйтесь, благодеяний множество нам источающе; радуйтесь, милостию сострадания вашего всѣх объѣмлющи.

Радуйтесь, святѣи и преславнии чудотворцы Пётре и Февроние.

Кондак 11.

Пение молебное приносим вам, угѡдницы Божии Пётре и Февроние, и с любовью припадаем к раце святых и многоцелѣбных мощей ваших, прославляя житие ваше богоугѡдное и подвиги многи. Молимся вам усердно, чудотворцы святѣи, помозите нам подражати вашим добродетелем, да возможем богоугѡдно пѣти Создателю нашему: Аллилуиа.

Икос 11.

Света небеснаго исполнен бѣ собѡрный храм града Мурѡма, егда благоволением Божиим святѣя мѡщи ваша Пётре и Февроние, целы и

благоуханны обретóшася в нём, и из нéдр земных, яко сокровище драгоценное, изнесены быша, идеже и до ныне почивают, исцеления неоскúдная источающе недужным и болящим. Сего ради пёсненно вопиём вам:

Радуйтесь, злато нетлённое, в недрах земных обрётенное; радуйтесь, бисери сияющии и благодатно просвещающии человеков.

Радуйтесь, святыя Православныя Цёркве похвалó; радуйтесь, ересей и раскóлов обличение.

Радуйтесь, свети умни, зарю Святаго Духа облистáющии; радуйтесь, мiра благоухания Христова преисполненнии.

Радуйтесь, облеченнии в рiзу благодатнаго нетления; радуйтесь, препоясанныи силою многих чудес.

Радуйтесь, яко рака ваша честная врачёбница явiся недугом человеческим; радуйтесь, яко от нея всяк с верою приходяй дары целёбныя приёмлет.

Радуйтесь, светлостию чудес ваших мрак душ наших озаряющии; радуйтесь, нетлением святых мощей ваших зарю общаго всех воскресения нам показующии.

Радуйтесь, святiи и преславнии чудотворцы Пётре и Февроние.

Кондак 12.

Благодать свýше вам дарованную, познавше, святiи чудотворцы Пётре и Февроние, с благоговением и любовью поклоняемся нетлённым и многоцелёбным мощём вашим и от них приёмлем в недúзех исцеление, в скорбех утешение, в бедáх благодатную пóмощь: тёмже и прославляем вас по достоянию, небесных предстáтелей и заступников наших, воспевающе хвалы и благодарения вами благодворящему нам Владыце Бóгу: Аллилуиа.

Икос 12.

Поюще многая и преславная ваша чудеса, велицыи угóдницы Бóжие Пётре и Февроние, ублажаем вас, яко целителей, утешителей и помощников от Гóспода нам дарованных, и молитвенно торжествуем святую пáмять вашу, от любвё сердечныя воспевающе вам благодарственно и хвалёбно:

Радуйтесь, во благоухании святыни нетлённо почивающии; радуйтесь, с верою приходящих к раце мощей ваших благодатно освящающии.

Рáдуйтеся, призывáющих молíтвенно честнáя именá вáша скóрии
услы́шатели; рáдуйтеся, упováние на вáс по Бóже возлагáющих дíвнии
помóщницы.

Рáдуйтеся, извéстнии умилостивíтели Царя́ Небéснаго; рáдуйтеся, сíльнии
защíтницы нáши от врагóв невидимых.

Рáдуйтеся, прísнии всём ходáтаи спасéния; рáдуйтеся, неотстúпнии
хранíтели гра́да Мúрома.

Рáдуйтеся, князéй россíйских пречúдная добрóто; рáдуйтеся, отéчества
вáшего Бóгом даровáннии покровíтели.

Рáдуйтеся, телéс нáших благодáтнии целéбницы; рáдуйтеся, о душáх нáших
усéрднии ко Гóсподу молíтвенницы.

Рáдуйтеся, святíи и преслáвнии чудотвóрцы Пётре и Феврóние.

Кондáк 13.

О святíи и преслáвнии чудотвóрцы, благовёрнии кня́же Пётре и кня́гине
Феврóние! Приимíте мíлостивно сие похвáльное пéние от нáс недостóйных
во умилéнии вáм приносíмое, и вáшим предстáтельством у Гóспода
испросíте нáм утверждéние в вéре и дóбрых дéлах, и избавлéние от всéх
скорбéй и болéзней врéменных и вéчных, да сподóбимся вку́пе с вáми и
всеми святýми во Цáрствии Небéснем пéти Пресвятéй Трóице вéчно
хвалéбную пéснь: Аллилу́иа.

Этот кондáк читáется трíжды, затём íкос 1-й и кондáк 1-й.

Íкос 1.

Áнгели земнíи и челове́цы небéснии войстинну явíстеся, блажéннии Пётре
и Феврóние, от юности вáшея чíстую сóвесть имúщии к Бóгу, и дóбре во
благочéстии и чистотé вку́пе пожíвшии, нáм же остáвльшии в примёр
подражáния житиé вáше богоугóдное, ему́же чудящеся и чудесы́ вáшими
озаряеми, зовём вáм глáсы хвалéбными сíце:

Рáдуйтеся, от юности вáшея Христá возлюбíвшии и Томú от душí
порабóтавшии; рáдуйтеся, целомúдрия хранíтели и душéвныя и телéсныя
чистоты́ рачíтели.

Рáдуйтеся, дýши вáша и телесá на землѣ в обитáлище Дýха Свята́го уготóвившии; рáдуйтеся, испóлненнии премýдрости и рáзума божéственнаго.

Рáдуйтеся, я́ко во плóти, я́ко безплóтни, вкúпе пожѣйте; рáдуйтеся, я́ко равноáнгельную чéсть достóйно прия́сте.

Рáдуйтеся, я́ко от землѣ на Не́бо преидóсте и та́мо со А́нгелы Трóице предсто́йте; рáдуйтеся, я́ко со безплóтными ли́ки трисвяту́ю пéснь Ёй воспевáете.

Рáдуйтеся, на Небесѣ и на землѣ от Гóспода прослáвленнии; рáдуйтеся, обрѣтшии вéчное всесвѣтлое мéсто упоко́ения.

Рáдуйтеся, гра́да Мýрома сокрóвища пребогáтая; рáдуйтеся, истóчницы неисто́щиии чудéс.

Рáдуйтеся, святѣи и преслáвнии чудотвóрцы Пётре и Феврóние.

Конда́к 1.

Избрáннии чудотвóрцы и вели́цыи угóдницы Господни, гра́да Мýрома застúпницы и прѣснии о душáх нáших молѣтвенницы, святѣи благовѣрнии кня́же Пётре и княгѣне Феврóние! Пѣние похвáльное вáм принося́ще, мо́лим вѣ усѣрдно: я́ко имúщии дерзновѣние ко Гóсподу, предстáтельством вáшим от вся́ких бѣд нáс свободѣте, и наследники Цáрствия Небéснаго нáс соделáйте, да зовѣм вáм рáдостно:

Рáдуйтеся, святѣи и преслáвнии чудотвóрцы Пётре и Феврóние.

Моли́тва пе́рвая.

О вели́цыи уго́дницы Бо́жии и предивнии чудотво́рцы благове́рнии кня́же Пётре и княги́не Февро́ние, гра́да Му́рома предста́тели и храните́ли, и о всѣх нас усѣрднии ко Го́споду моли́твенницы! К ва́м прибега́ем и ва́м мо́лимся с упова́нием крѣпким: принесите за нас грѣшных святы́я моли́твы ва́ша ко Го́споду Бо́гу и испросите нам у бла́гости Его́ вся благопотре́бная душáм и телесѣм нашим: ве́ру пра́ву, наде́жду бла́гу, любóвь нелицеме́рну, благоче́стие непоколеб́имое, в до́брых дѣлах преуспе́яние, ми́ра умире́ние, земли́ плодонóсие, возду́ха благорастворе́ние, душáм и телесѣм здра́вие и вѣчное спасе́ние. Исходата́йствуйте у Царя́ Небе́снаго: ве́рных рабо́в Его́, в ско́рби и печа́ли де́нь и но́щь вопи́ющих к Нему́, многоболе́зный во́плъ да услы́шит и да изведѣ́т от поги́бели живóт наш. Испросите Це́ркви святе́й и все́й державе́ Росси́стей ми́р, тишину́ и благоустро́ение, и все́м нам жити́е благополúчное и до́брую христиáнскую кончи́ну. Оградите́ отѣчество ва́ше, град Му́ром, и вся гра́ды Росси́ския от всяка́го зла́ и вся правове́рныя лю́ди, к ва́м приходя́щия и мощѣм покланя́ющияся, осените́ благода́тным дѣйством благоприя́тных моли́тв ва́ших, и вся проше́ния их во бла́го исполните. Ёй, чудотво́рцы святы́и! Не прѣзрите моли́тв наших, со умиле́нием ва́м возно́симых, но бу́дите о нас прѣ́снии предста́тели ко Го́споду и сподо́бите нас по́мощию ва́шею свято́ю спасе́ние вѣчное получи́ти и Ца́рствие Небе́сное унасле́довати; да славосло́вим неизрече́нное человеколю́бие Отца́, и Сы́на, и Свята́го Ду́ха, в Трѣ́ице покланя́емаго Бо́га, во ве́ки веко́в. Ами́нь.

Моли́тва второ́я.

О уго́дницы Бо́жии, благове́рнии кня́же Пётре и княги́не Февро́ние, к ва́м прибега́ем и к ва́м со упова́нием крѣпким мо́лимся: вознесите́ о нас, грѣшных (имена́), святы́я моли́твы ва́ши ко Го́споду Бо́гу и испросите у бла́гости Его́ вся благопотре́бная душáм и телесѣм нашим: ве́ру пра́ву, наде́жду бла́гу, любóвь нелицеме́рну, благоче́стие непоколеб́имо, в до́брых дѣлах преуспе́яние. И ходата́йствуйте нам у Царя́ Небе́снаго жити́е благополúчное и до́брую христиáнскую кончи́ну. Ёй, чудотво́рцы святы́и! Не прѣзрите моли́тв наших, но бу́дите о нас прѣ́снии предста́тели ко Го́споду, и сподо́бите нас по́мощию ва́шею спасе́ние вѣчное получи́ти и Ца́рствие Небе́сное унасле́довати, да славосло́вим неизрече́нное человеколю́бие Отца́ и Сы́на и Свята́го Ду́ха, в Трѣ́ице покланя́емаго Бо́га во ве́ки веко́в.